



Na osnovu člana 27. stav (1) alineja 6. Zakona o ustanovama („Službeni list RBiH”, br. 6/92, 8/93 i 13/94), Pravila Javne ustanove Kantonalni zavod za zaštitu kulturno-historijskog i prirodnog naslijeđa Sarajevo (broj 02-05-6482-19/13 od 21.03.2013.g., 02-0525821-10/15 od 01.10.2015.g., 02-05-10908-14/17 od 16.03.2017.g. i 11560-5/21 od 27.12.2021.g.), upravni odbor Javne ustanove Kantonalni zavod za zaštitu kulturno-historijskog i prirodnog naslijeđa Sarajevo, na sedmoj sjednici održanoj dana 29.12.2025. godine, a u cilju provođenja konkursne procedure imenovanja direktora ustanove donosi:

P R A V I L A

za ocjenjivanje kandidata za imenovanje direktora Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“

OPŠTE ODREDBE

Član 1.

Upravni odbor Javne ustanove Kantonalni zavod za zaštitu kulturno-historijskog i prirodnog naslijeđa Sarajevo pozvat će na intervju sve kandidate koji ispunjavaju opšte i posebne uslove navedene u Javnom konkursu.

Član 2.

Upravni odbor će svakom kandidatu postaviti 5 (pet) pitanja koja se pripremaju neposredno prije intervjua i ista su za sve kandidate i bodovat će se ocjenom od 1 do 5.

Član 3.

Cilj intervjua je upoznavanje kandidata kroz razgovor i utvrđivanje snalažljivosti u odgovaranju na pitanja. Pitanja mogu biti stručna, mogu biti iz oblasti poznavanja propisa koji se odnose na rad javne ustanove, a mogu se odnositi na rezultate ostvarene u dosadašnjem radu, sklonost prema timskom radu, komunikacijske i organizacijske sposobnosti.

Član 4.

Radi preciziranja pojedinih odgovora, svaki član Upravnog odbora može postaviti dodatno pitanje kandidatu.

Član 5.

Pitanja će formulisati Upravni odbor neposredno prije održavanja intervjua.

Član 6.

Intervju sa kandidatom može trajati najduže 20 minuta, a nakon završetka intervjua svaki član Upravnog odbora će donijeti konačnu ocjenu kandidata.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

NAČIN OCJENJIVANJA

Član 7.

Kandidata na intervjuu ocjenjuje svaki član Upravnog odbora dodjeljujući mu određen broj bodova za svaki odgovor.

Član 8.

Zbir dodijeljenih bodova podijeljen sa brojem pitanja predstavlja prosječnu ocjenu svakog člana Upravnog odbora. Broj bodova koje je kandidat osvojio na intervjuu jeste zbir prosječnih ocjena dobijenih od strane svakog člana Upravnog odbora, podijeljen sa brojem članova Upravnog odbora.

LISTA USPJEŠNIH KANDIDATA

Član 9.

Upravni odbor će utvrditi listu kandidata prema broju bodova osvojenih na intervjuu.

Član 10.

Smatra se da je kandidat, koji je prvi na rang listi i kojeg je preporučila većina članova Upravnog odbora stekao uslove da se predloži za imenovanje na dužnost direktora.

ZAVRŠNE ODREDBE

Član 11.

Ova Pravila stupaju na snagu danom donošenja.



PREDSJEDNIK UPRAVNOG ODBORA

Adnan Kaljanac

Dostaviti:

- Članovima UO (elektronskim putem),
- Arhivi UO,
- Arhivi.